

IZVJEŠTAJ O RADU UG AKCIJA U 2017. GODINI

Udruženje građana „Akcija“ u 2017. godini je realiziralo sljedeće projekte:

1. PROJEKAT: CSSP- Civil Society Strenghtening Project (Projekat jačanja civilnog društva) podržan od strane USAID-a. Nastavak projekta koji se realizira u 2017 godini kroz tri komponente (Kampanje, Mreže, Održivost):

a) Kampanje – Do kraja 2017. godine realizirane su sljedeće aktivnosti:

Aktivnosti Kampanje o uspostavi fonda za kofinansiranje projekata Kreativne Evrope:

Napisana i objavljena policy analiza o potrebi uspostavljanja fonda za kofinansiranje projekata iz programa Kreativna Evropa. U saradnji sa Ministarstvom civilnih poslova, održan skup na temu uspostave fonda za kofinansiranje gdje je predstavljena ova analiza. Gosti su bili predstavnici Deskova iz Evrope u kojima postoji mehanizam kofinansiranja. Također, održani su sastanci sa predstavnicima ministarstava za kulturu u BiH (kanton, entiteti, Ministarstvo civilnih poslova) s ciljem zagovaranja pokretanja inicijative za sistemsko kofinansiranje projekata iz programa Kreativna Evropa.

Aktivnosti Kampanje o izradi strategija za kulturu na svim administrativnim nivoima u BiH:

Održan je trening za strateško planiranje u kulturi na kojem je obučeno 10 stručnjaka za strateško planiranje u BiH (predstavnici kulturnog sektora, službenici iz različitih administrativnih nivoa). Održana debata i seminar za gradske uprave na temu veze između EPK i participativne kulturne strategije. Follow up sastanci u kantonalnim ministarstvima i gradskim upravama. Održana debata o važnosti strategije na državnom nivou i nastavljeno lobiranje za stavljanje na dnevni red ažuriranja strategije na državnom nivou za 2018. Akcija je kontaktirana od strane Ministarstva kulture Kantona Sarajevo da pomogne u procesu izrade strategije kulture za taj Kanton. Također, ista ponuda je stigla i od Uprave Grada Sarajeva.

Aktivnosti Kampanje o depolitizaciji upravljačkih funkcija u javnim institucijama kulture:

Završen rad na istraživanju „Perspektive upravljanja u javnim ustanovama kulture Kantona Sarajevo“ grupe autora. Publikacija je predstavljena na skupu u Sarajevu u junu 2017.

b) Mreže – u sklopu ovog projekta Udruženje Akcija je u 2017. godini nastavila intenzivnu komunikaciju sa članovima KO K2020 (sastanci, email prepiska, telefonski razgovori) te redovne sastanke sa članovima Koordinacionog odbora inicijative K2020 na kojima su utvrđeni planovi djelovanja u sklopu kampanja koje se provode unutar projekta CSSP-a, plan javnih istupa, strateško djelovanje mreže, itd. Krajem godine održana je i druga skupština mreže.

c) U sklopu projekta Održivost – U 2017. nastavak planiranih aktivnosti kroz:

Razvoj tehničke strukture za web portal KULTURA.ba.

Rad na tehničkoj i uređivačkoj strukturi portala, te razvoj i web dizajn sajta KULTURA.BA je realizovan krajem 2017. godine. Zbog obaveza osoblja na drugim projektima aktivnosti na kreiranju, testiranju i postavljanju web platforme KULTURA.BA su prebačene za proljeće 2018.

2. PROJEKAT .. Domovi kulture u BiH – izgubljena miesta zajedništva i emancipacije?“ finansiran od

Projekat koji obuhvata sljedeće aktivnosti: mapiranje domova kulture u 5 gradova u Bosni i Hercegovini, istraživanje na terenu koja za cilj imaju prikupljanje arhivske građe o domovima, intervjuisanje građana nekadašnjih protagonista života domova kulture i kreiranje multimedijalnog materijala koji će biti zabilježen na web platformi domovikulture.ba, te organizacija završnih događaja u 5 odabranih gradova je nastavljen kroz 2017. Godinu. Održani su promo događaji u Sarajevu, Tuzli i Mostaru, a za 2018.godinu planirano je lansiranje web portala domovikulture.ba i tri događaja- u Sarajevu, Bosanskom Petrovcu i Bihaću.

3.PROJEKAT: Desk Kreativna Evropa BiH – finansiran od strane EU i Ministarstva civilnih poslova BiH

Kreativna Evropa je program Evropske komisije za podršku i sufinansiranja projekata iz oblasti kulture i audiovizuelnog sektora. Program Kreativna Evropa je nastavak prethodnih programa Kultura 2007-2013 i Media 2007 koji su sada kao potprogrami Kultura i MEDIA objedinjeni u jedan program.

AKCIJA Sarajevo u konzorcijumu sa organizacijom Vizart iz Banja Luke vrši funkciju Deska za Kreativnu Evropu za BiH.

U 2017. godini Desk Kreativna Evropa BiH nastavlja svoju zadaću kroz aktivnosti promocije Programa Kreativna Evropa unutar kulturnog i audiovizuelnog sektora u BiH, te kroz pružanje pomoći i konsultacija prilikom apliciranja na pozive unutar programa, te povezivanje s partnerima izvan BiH. U 2017.godini Akcija je zajedno sa asocijacijom Vizart aplicirala za novi trogodišnji period obavljanja uloge Deska Kreativna Evropa, te je Odlukom Ministarstva civilnih poslova i izabrana za obavljanje ovog posla.

4. PROJEKAT: Istraživanje „Vještine u kulturnom sektoru na Zapadnom Balkanu“ finansiran od strane British Council-a

Ovaj projekat je dio istraživačkog projekta "Vještine u kulturnom sektoru na Zapadnom Balkanu" koji se za potrebe Britanskog savjeta u regionu realizuje u 6 zemalja Zapadnog Balkana. Odjeljenje za kulturne vještine Britanskog savjeta želi da razvije nove programe obuke za zaposlene u kulturnom sektoru u regionu. Da bi ti programi bili što korisniji, u okviru aktivnosti za 2017. godinu, Udruženje Akcija je tokom 2017.godine uradila istraživanje o tome koje je to vještine i djelatnosti potrebno razvijati u Bosni i Hercegovini. Rezultati ovog istraživanja biće iskorišteni za osmišljavanje programa obuke u oblastima koje su najviše tražene.

Tokom 2017. godine nastavljen je kontinuirani fundraising za nove projekte u 2018. godini jer tada završava veći broj gore navedenih projekata, najvažniji od njih je CSSP koji predstavlja core podršku organizaciji. Poslano je mnogo aplikacija raznim fondovima i rezultati tih aplikacija se očekuju na proljeće i ljeto 2018.

U Sarajevu, februar 2018.

Izvršna direktorica UG Akcija

Aida Kalender